

سنه لکي در سعادت ايجون مجيده
يکرمي غروش حسابيله التمش
غروشدر

طشره ايجون پوسته اجرتي اوله رق
اون بش غروش ضم اولتور

نسخه سي ۴۰ پاره در

فکرانک محاکمات

آبونه اولوق ايستينلر دائره عدليه ده
اداره مخصوصه سنه مراجعت
ايتلدر

اعلاناک بهرندن بر مجديه اخذ
ايدلور

نسخه سي ۴۰ پاره در

هفته ده ايک دفعه جمعه ايرتسي و چهارشنبه کونلري نشر اولتور. محتوياتي امور عدليه متعلقدر

توضيحات

برزرين سنجاعي بدايت محکمه سي جزا دائره سي
رياستي محکمه مزبور مدعي عمومي معاوني نافذ
افندي يه

برزرين سنجاعي بدايت محکمه سي مدعي عمومي
معاونلکي مکتب حقوق شاهانه مأذونلرندن محمد
نيازي افندي يه

اسکيشهر قضايي تجارت محکمه سي رياستي
کذلک مکتب مزبور مأذونلرندن حسن لطفي بکه
تفويض بيوراش ومومي اليهمدن نافذ افندي ذاتاً
محاف اولديغي کي ديکري ليکنده اصول مقرر وجهله
امر تحاييفي در دست اجرا بولنشدر .

اورخانه قضايي بدايت محکمه سي رياستي مکتب
حقوق شاهانه مأذونلرندن ممش رضا افندي يه
قضاي مذکور بدايت محکمه سي مدعي عمومي
معاونلکي قرتال قضايي بدايت محکمه سي مستنطق
مکتب مزبور مأذونلرندن حامد افندي يه
اشتب قضايي بدايت محکمه سي رياستي مکتب
مزبور مأذونلرندن شوکت افندي يه

قضاي مذکور بدايت محکمه سي مدعي عمومي
معاونلکي مکتب مزبور مأذونلرندن مجيد
افندي يه

قوجانه قضايي بدايت محکمه سي رياستي مکتب
مزبور مأذونلرندن حسين افندي يه

قضاي مذکور بدايت محکمه سي مدعي عمومي
معاونلکي قونيه ولايتي مرکز بدايت محکمه سي
اجرا مأموري مکتب مزبور مأذونلرندن حسين
صدقي افندي يه

عثمانيه قضايي بدايت محکمه سي رياستي مناستر
ولايتي مرکز بدايت محکمه سي مستنطق مکتب مزبور
مأذونلرندن نصرت افندي يه

قضاي مذکور بدايت محکمه سي مدعي عمومي
معاونلکي آيدين سنجاعي بدايت محکمه سي اجرا
مأموري مکتب مزبور مأذونلرندن امين افندي يه

قره طوه قضايي بدايت محکمه سي رياستي کو-
ريجه تجارت محکمه سي رئيسي مکتب مزبور مأذونلرندن
احمد حمدي افندي يه

قضاي مذکور بدايت محکمه سي مدعي عمومي
معاونلکي قره سي سنجاعي بدايت محکمه سي مقاولات
محرري مکتب مزبور مأذونلرندن مصطفى نوري افندي يه
قومانونه قضايي بدايت محکمه سي رياستي پولهنر
بدايت محکمه سي رئيسي مکتب مزبور مأذونلرندن
ادهم افندي يه

قضاي مذکور بدايت محکمه سي مدعي عمومي
معاونلکي دکزلي سنجاعي بدايت محکمه سي مستنطق
مکتب مزبور مأذونلرندن علي رضا افندي يه
رادويشته قضايي بدايت محکمه سي رياستي مکتب
مزبور مأذونلرندن صالح افندي يه

قضاي مذکور بدايت محکمه سي مدعي عمومي
معاونلکي توقاد سنجاعي بدايت محکمه سي مستنطق
مکتب مزبور مأذونلرندن علي رضا افندي يه
پالانقه قضايي بدايت محکمه سي رياستي ازميز
ولايتي بدايت محکمه سي سرمستنطق مکتب مزبور
مأذونلرندن نعيم افندي يه

قضاي مذکور بدايت محکمه سي مدعي عمومي
معاونلکي حلب ولايتي مرکز بدايت محکمه سي
اجرا مأموري مکتب مزبور مأذونلرندن الياس افندي يه
کوپريلي قضايي بدايت محکمه سي رياستي سيواس
ولايتي مرکز بدايت محکمه سي سرمستنطق مکتب
مزبور مأذونلرندن اديب افندي يه

قضاي مذکور بدايت محکمه سي مدعي عمومي
معاونلکي مکتب مزبور مأذونلرندن عثمان صائب
افندي يه تفويض بيوراش ومومي اليهمدن بوراده
بولنانلرک علي الاصول امر تحليفلي اجرا وديکر-
لرينک اجراي تحليفليده محللرينه تبليغ وانبا قانمشدر.

امور مأموريتلريني مقدمانه ايفاليمکده اولملرندن
ناشي عدليه نظارت جليله سي محکمه تمين جزا
دائره سي باش ممیزی عزتلو صفوت بکه ترفيعاً ثانيه
صنف تمايزي

ودائره مذکور ممیزلرندن عزتلو سعدالدين
ونظارت مشار اليها سجل احوال مأمورين قلمي
ممیزلرندن شوکت ومکتوبي قلمي خلفاسندن مظفر
بکله ترفيعاً ثانيه صنف ثانيي

بک اوغلي بدايت محکمه سي اعضاسندن عزتلو
مخلص وعدليه نظارت جليله سي سر وزنه داري
توفيق بکله کذلک ترفيعاً ثانيه صنف ثانيي
در سعادت بدايت محکمه سي مقاولات محرري
رفعتلو فؤاد بک ايله نظارت مشار اليها محاکم وزنه داري
احسان افندي يه ثالثه رتبه لري توجيه بيورلمشدر .

نشان

امور مأموريتي مقدمانه ايفاليمکده اولمسندن
ناشي عدليه نظارت جليله سي طيبي لئون افندي يه
اوچنجي

در سعادت اعلامات نظاميه اجرا دائره سي باش
معاوني فوتلو حلیم افندي يه در دنجي رتبه دن مجيدي
نشان ذیشانلري احسان بيورلمشدر .

تبديلات

التنجي دائره بلديه محاسبه جيسي علي رضا افندي يه
کفالت ايتمش اولان دائره مذکوره تنظيفات رسومي
تحصيلداري حسين محمود ومال قلمي کتبه سندن محمد
سامي افنديلرک اصول مقرر وجهله تدقيق کفالت
قوميسيوني جانبنندن يوقلمه سي بالاجرا يوقلمه
ورقه سنک تصديقي ايجون منسوب اولدقلري بک اوغلي
وچکمهجه صغير قضايي بدايت محاکمي مقاولات
محرر لکرينه مراجعت اولندقدده مومي اليهمادن
حسين محمود افندينک مقدا ويرمش اولديني سنده
موضوع مهر ذاتيسي اولوقت بک اوغلي بدايت محکمه سي
مقاولات محرر لکي جانبنندن تصديق ايديله رک اعتبار
ماليسي تصديق قانماش اولمسندن بودفعه دخي اجراي
تصديقندن امتناع ايدلمکده اولديني کي ديکر کفيل

سامی افندیسک دخی مقری کوبنده ساکن الملی جهتله کفالت واعتباری کوچک چکمه قضاسی بدایت محکمه سی مقاولات محرر سابق طرفندن اولوقت تصدیق قلمش ایکن شمیدیکی مقاولات محررکنجه کفیل موسی الیهک ارانیه ایلدیکی املاکک درسعادنده بولندیغندن بخله یوقلمه ورقه سنک تصدیقده بیان معذرت اولمش اولدینی بیانیله مذکور بل اوغلی مقاولات محررینک وقیله یایدینی کی بالکز کفیلک مهرذاتینسک تصدیقده اکتفاواخیرا یوقلمه یی تصدیقندن امتناعی جائز اولوب اولدینک ومقری کوبنده ساکن اولوب املاکک درسعادنده بولنان دیگر کفیل محمد سامی افندی کفالتک اساس و یوقلمه تصدیقارینک هانکی طرفه عائد بولندیغنک بیان واشعاری حقنده شهر امانت جلیله سنندن وارد اولان تذکره اوزرینه ، کیفیت انجمن عدلیه جه لدی التذکر بر شخصک اعتبار مالینسی تصدیق ایتک مقاولات محررینک تقدیرینه مفوض بر کیفیت اولدیغندن کفیلک درجه اعتباری حقنده محررکنجه علی الاصول اجرا اوله جق تحقیقات ایله قناعت حاصل اولمادجه اعتبار مالینسی تصدیق ایچون مقاولات محررینه اداره جبر اولمه یه جنی کبی کفیلک مهر ذایینسی تصدیق ایتمسی دخی اعتبار مالینسک تصدیقده محررلکی مجبوریق قانونیه آلتنده بولدریمه جغندن ودرجه اعتباری تصدیق اوله جق کفیلک املاکک بولنان محل مقاولات محررکنکه لدی الاخبار اصولی دائره سننده تحقیق ممکن اوله جغندن امر تصدیقی دخی کفیلک تابع اولدینی مقاولات محررکنکه عائد اوله جنی افاده اولووجهه عدلیه نظارت جلیله سنندن امانت مشار الیه ایله اشعار ماده اولمشدر .

محاکمات فقهیه

اصول محاکمات جزاییه قانوننک اوچیوز قرق یدنجی ماده سی حکمنه ونظارت جلیله عدلیه نک ۵۴ نومرولی امر تحریری قانونیه سنه توفیقاً تقضی حاوی محکمه تمیز جزا دائره سنندن اعطا قناتن ۱۸ مارت سنه ۳۱۸ تاریخلی اعلامدر : باش مدعی عمومیک مأموریت بیه سنندن اوراق متفرع سیله برابر محکمه تمیز جزا دائره سنه کوندریلان ۲۵ تموز سنه ۱۳۱۷ تاریخلی ۲۱۴۳ نومرولی تبلیغنامه محالمله اولندی .

مذکور تبلیغنامه ده: زردنده اون بش کیلوغاق توتون بولندیی ادعا اولنان کور اوغلی ابراهیم حقنده

اردو قضاسی بدایت محکمه سنندن وریلوب طرزون ولایتی استیناف محکمه سی مدعی عمومیکنک ۳۰ تشرین اول سنه ۳۱۵ تاریخلی تحریرانه لقا وارد اولان اعلام ومتفرعانی لدی التذقیق رژی قولجیلرینک اولباده کی ضبط ورقه سی محتویاتی، مرقومک خانمسی تحریری اولندیی انانده مار الیهان اون بش کیلو توتونک حسین نام شخص طرفندن قاچیرلیدیغه دائر اوله رق قاچیرلیدی بیان اولنان شیلر در دست ایدیه مامش و بناء علیه ماهیتی اصولاً تعیین ایلامش اولقندنانشی بونک توتون اولدیغنسک نه ایله اکلاشلیدی قاعده سی دائره سننده تحقیق اولدیقدن صکره فطک نبوتی حالنده جزای تقدی به حکم ایدلمک واجراسندن محکوم علیه امتناع ایلدیکی تقدیرده رژی مأمورینک طلبی اوزرینه جزای مذکور حبسه تحویل اولتی مقتضی ایکن جهت مذکورده تدقیقسنر قالدینی کی براساس حیحیه مستند اولیان ضبط ورقه سنه بنای حکم اولندیی ومرقوم ابراهیمک بهر قیه سی قرق غروشدن الی یوزغروش جزای تقدی اعطاسنه وورمیدیکی تقدیرده التمس برکون حبسنه برلکده قرار ویرلیدیکی اکلاشلمش اولغسله اصول محاکمات جزاییه قانوننک اوچیوز قرق یدنجی ماده سنه وعدلیه نظارت جلیله سنک ۲۳ حیزان سنه ۳۱۷ تاریخلی والی درت نومرولی امر تحریریه سنه توفیقاً اعلام مذکورک تقضی لزومی اخبار قلمشدر. تدقیقات تمیزیه اجرا اولدیقدنه نظارت جلیله نک امر تحریریه سنه عطفاً تبلیغنامه ده محرراعتراضات، مندرجات اعلامه نظر آجا اولدیغنه ومستلزم نقض اسابدن بولندیغنه مبنی سالت الذکر اوچیوز قرق یدنجی ماده سنه توفیقاً اعلام مذکورک نقضنه وایکیوز غروش تمیز اعلامی خرچنک تحصیلنه ۱۸ مارت سنه ۳۱۸ تاریخنده قرار ویرلیدی .

تکه قصه سی اهلایسنندن محمد شوق بن مصطفی افندی بی جرح و قتل ایتمسندن دولای جنایتله اتهام اولنان موسی الیهک اوکی اوغلی جودت بن حافظ حسینک زمان وقعه ده اون ایکی یاشنده اولدینی تحقق ایتمسندن دولای قرقچی ماده قانونیه به توفیقاً ابونیه تسلیمه دائر تکه سنجانجی بدایت محکمه سی جزا دائره سنندن ویریلان اوتوزدرت نومرولی اعلام محکمه تمیز جزا دائره سنجه تصدیق اولمشدر .

قره فربه قضاسنک اصومطه جغتکننده مقیم یورکی قورقودانی قتل ایلدیکی ادعا قلمسندن دولای جنایتله اتهام اولنان قضای مذکورک بابانکیه محله سی اهلایسنندن محمد بن شکرینک اون بش سنه مدته

کورکه قولسنه دائرسلانیک ولایتی استیناف محکمه سی جزا دائره سنندن ویریلان درتیوز التمس نومرولی اعلام محکمه تمیز جزا دائره سنجه تصدیق اولمشدر .

چق آباد قضاسنک طورمش قریه سنندن محمد اوغلی مصطفانک خانه سنندن لیلأ سرقته تصدی ایتمسندن دولای جنایتله اتهام اولنان اووه جق قریه سنندن چیل اوغلان اوغلی مصطفانک درت سنه مدته کورکه قولسنه دائر انقره ولایتی استیناف محکمه سی جزا دائره سنندن ویریلان ۱۹۵ نومرولی اعلام محکمه تمیز جزا دائره سنجه تصدیق اولمشدر .

صوفیلو قضاسنک قره بیکار قریه سنندن برادری یورکی اخناقاً قتل ایلدیکی ادعا اولنسنندن طولای جنایتله اتهام اولنان قریه مذکورکی دیمو ولد دیمو نک اون بش سنه مدته کورکه قولسنه دائر دده اغاج سنجانجی بدایت محکمه سی جزا دائره سنندن ویریلان ۲۱۳ نومرولی اعلام محکمه تمیز جزا دائره سنجه تصدیق اولمشدر .

۱۲۹ نومرولی نسخده مندرج درسعادت جنایت محکمه سی اعلامنک مابعدی :

اظهار حقنه مدار اولوق اوزره جانب ریاستندن جلیلری تسبب ایدیلوب دعوت واقعه به اتبعااً ورود ایشدکری خبر ویریلان ککبوزه ژاندارمه چاوشی چرکشی الی یاشنده یوسف اغا ابن عبده وککبوزه وقرتال دردنچی طابورینک ایکنجی بلوکی اونباشی روم ایللی قرق یاشنده رجباغا ابن مصطفی وقارغلی دونای تشکیل ایدن اوچ قریه نک امامی اولوب یاغیلر قریه سننده اقامت ایدن قرق یدی یاشنده مصطفی افندی ابن یوسف ودیوان مذکور مختار نایبی الی یدی یاشنده مصطفی ابن ابراهیم ویاغیلرده ساکن ونجیر التمس بش یاشنده صالح بن علی برر برر حضور محکمه به چیقاریله رق لدی السؤل طرفینه قرابت ومناسبت وخصوصت لری اولمدینی آکلاشلمغله کندولرینه اخذات لازمه قانونیه ایفا اوله رق منفرداً ومواجههً بتلاخلف استماع اولدیقدن

یونلردن یوسف اغا : سلیمان افندیکنک کیفیت قتلنک مرکز قضایه اخبار اولمش اوزرینه یوز باشی وسائر مأمورین ایله محل وقعه کیدوب سلیمان افندیکنک زوجیه سی خیفه دن تفحص ماده ایشدکرینده ابتدا کندوسی او یقوده ایکن برقتنک سسی ایشتمش ایسه ده زوجی سلیمان افندیکنک کیمک طرفندن قتل اولدیغنی بیله مدیکنی واخیراً آبدستخانه ده بولدیغنی انانده قتل ایلدیکنکی تلاشه سویلیدیکنکی وقتلک وقوعی کیجه سی وصره بکرک فرار ایتدیکنکی وپانده لی ابتدا خبری اولمدینی سویلیدیکی حالد جله سنی ککبوزه به کوتور دکرینده بش لیرا مقابلنده کندوسی اقاع اولدیغندن ولیلأ خیفه قوی آچدیغندن ایچرویه دخول ایله سلیمان افندی یی اولدیردکریکی ویکر دخی جهالتدن طولای فعل قتلی اقاع ایلدیکریکی وسلیان افندیکنک حال حیانتنده خانه سنه کیدوب کلیدیکی وپردها کینامسی ایچون خبر کوندریدیکی کندوسی حاضر ایکن طایعاً اقرار ایلدیکریکی وخیفه ایله بکرک صورت غیر مشروعه ده مناسبانده بولدیقلری دخی سلیمان افندیکنک صاغلقده شایع اولدیغنی سویلیدی .

شاهد مرقومک افاده سنه قارشو نه دیه جکلری متهملردن صورلدقده بکر برکونه سبب بیان ایتیه رک قبول ایتیه جکنی ویکرلری برده جکلری اولدیغنی سویلیدیلر .

دیگر شاهد رجب، محل وقعه به کیتدکرینده قیو ونجیره رده بر قیریلوق کورمدرکریکی وخیفه دن صورددقنده اولأ قوجه سیله بریتاقده او یومقده ایکن اورلدیغنی افاده ایلدیکی حالد مؤخرأ انکار ایله آبدستخانه ده بولندیی بر صرده اورلدیغنی وکیمک طرفندن قتل ایلدیکنکی بیله مدیکنی سویلیدیکی وسلیان افندی ایله بکر آره سننده ضدیدت حادث اولدیغنی ایشدکریکی ویکرک بعداوقعه فرار ایتش ایکن در دست اوله رق استجواب ایلدیکدنصره قاچش ایسه ده بنه طوتیه رق متهملرک جله سنی ککبوزه به کتوردکرینده یونلردن پانده لینک وقعه کیجه سی بکر ایله برلکده سلیمان افندیکنک خانه سنه کیدوب بکرک چفته تفکیله سلیمان افندی یی قتل ایتدیکنکی وقبل القتل خیفه بکره خطاباً « بر قوروشونه اولمز سن ده قا ایله اور » دیش ایسه ده بکرک جسارت ایده میوب اشاغیده قالدینی جهتله فعل قتل کندوسی اشاع ایلدیکنکی اقرار ایتدیکی کبی خیفه نک دخی بازده لینک اعترافی موجبنه کیجه لین قوی آچدیغنی وقتله دخلی اولدیغنی کیفیتنی ویکرکده « شیطان ایدق » دیه رک سلیمان افندیکنک قلمنه دخل ومشارکتی بالطوع والرضا اعتراف ایلدیکریکی یوسف اغانک شهادتی وجهه اخبار ولدی السؤل تفکک برطرفی آلمش

اولدیغنی کورده رک حکومت سنیه تسلیم ایتدیکریکی تذکار ایلدی . شاهد دیگر امام مصطفی افندی ، وقعه کیجه سی سلیمان افندیکنک قتل خبر ویرلمکله بازورنال ککبوزه به اخبار کیفیت ایتدیکنندن مأمورین کلوب خیفه یی سؤل ایشدکرینده قوجه سیله بریتاقده یتار ایکن برسلح سسی ایشتمسی اوزرینه او یانوب قالدیغنی سویلیدیکنکی ایشتمش ایسه ده ککبوزه ده کی اقرارنده موجود اولمدینی کبی مزبوریه ایله بکرک یتنده کی مناسبات غیر مشروعه دن دخی معلوماتی بولندیغنی اتیان ایلدی . دیگر شاهد مصطفی افندی ، وقعه یی معقب مأمورین کلوب تحقیقات اجرا ایشدکری صرده ده حاضر بولوب معلوماتی تحقیقات ایتدیه نک ۱ تشرین ثانی سنه ۳۱۷ تاریخلی ضبط ورقه سننده مندرج اولدیغنی وجهه بولندیغنی سویلیدی .

دیگر شاهد صالح دخی سلیمان افندیکنک قتل اولدیغنسک خبر آلمسی اوزرینه خانه سنه کیدرک یوزباشینک دخی ورود ایتدیکنکی کوردیکنی وزوجه سی خیفه دن سؤل ایشدکرینده زوجی سلیمان افندی ایله برلکده یتار ایکن اطلالان برسلح سسی اوزرینه یتاقندن قالدیغنی وزوجنک کیمک طرفندن قتل اولدیغنی بیلمدیکنکی وقولرک نه یولده آچیلدیغندن خبری اولمدیغنی سویلیدیکنکی ویکر ایله خیفه نک مناسبات غیر مشروعه لری ایشتمش ایسه ده حقیقی بیله مدیکنی وبعد الاستجواب بکری حبس ایتک ایشدکریندن کندی کفالتیه صالیورلسی اوزرینه فرار ایلدیکنکی بیان ایتدی .

بوشاهدلر دخی اکل شهادت ایتدیکنه نه دیه جکلری متهملردن سؤل اولدیقدنه بر دیه جکلری اولمدیغنی درمیان ایلدیلر . شاهدلر مواجهه اولدیقدنه هربری خاطرنده قالدینی درجه ده ایضای شهادت ایلدیکریکی اتیان ایتدیلر . آلت قتل اولان قتلنک کوندرلسی ضمننده محله مذکره یازلیدی حالد ارسال قلمشامش ایدوکنندن بالضروره متهملره وشاهدلره ارانیه قلمه مدی. مقتولک اشکالی وورنه سنک اسم وسن و سالی شاهدلردن صورلدقده اوتوز بش یاشنده متاسب الاعضا اولوب فقط اعور ایدوکنی واورج بشریاشنده اوچ اولادندن بشقه کیمسه سی بولندیغنی سویلیدیلر .

توسیع تحقیقات حقنده طرفینک بشقه مطالبی اولمدینی لدی السؤل اکلاشلمغله تحقیقاتک بوندن عبارت اولدیغنی تفهیم اولدیقدنه معاون موسی ایله متهمل بکر وپانده لی وخیفه نک متممدا ومشتراً سلیمان افندی یی قتل ایتدیکری اقرارلری وضبط ورقه سی وطیب راپوری مندرجات ایله ثابت اولدیغندن مرقومونک

اولوجهله مجرمتلرینه قرار ویرلسنی طلب وادعا ایلدی .

(مابعدی صکره به)

مصر ایکلیکلری بالذیله رق سوریدیکی و بناء علیه قلب اچقه سوریحیلکی ایتدیکی ادعاسیله متهمل بولنان ومقدما ینه قلب اچقه سورمسنندن دولای محکوم اولان بتلیسل خالدام دیگر خللیک اجرا قناتن محاکمه سی نتیجه سننده مرقومک ذکر اولنان قلب اچقه سوریحیلکی ایله مشغول بولندیغنی روش افاداتی وشاهدلرک علی الدرجات وقوعبولان شهاداتی وضابطه عدلیه تقریری مندرجاتی ودلائل وامارات سائر ایله ثابت اولدیغندن مجرمتیه وقانون جزانک یوز قرق اوچنجه ماده سنه توفیقاً ومقدما قلب اچقه سورمسنندن ومحکوم بولنسنندن طولای جزانسی تشدیداً اون یچق سنه مدته کورکه قولسنه ۲۵ کانون اول سنه ۳۱۸ تاریخنده محکمه جنایتجه قرار ویرلشدر .

بانچوران واسیلیک اچقسنی سرق ایدن قوز غنچقده ساکن صاوانک اوچ آی حبسنه وختم مدتنده ضابطه جه کفالته رطه

پولیس چاوشی خیره افندی به حقارت ایدن قیسبقایده مستخدم ژاندارمه خلیل اغانک ایکی کون حبسنه

کرد عزیزک مجروحیتنه سیدت ورن آدیه چی محمود اغانک برهفته حبسنه واجرت جراحیه اولوق اوزره تقدیر ایدیلان یوز الی غروشک بالتحصیل مرقوم عزیزه ویرلسنه

عزیز اغایه محل ناموس سوز سویلیان اسکدارده بلبل دره سننده ساکنه خیره خانک ایکی کون حبسنه یکدیگرینی ضرب ایدن اسماعیلک اون کون ویا قومینک دخی برهفته مدتارله حبسارینه

قومیسر شمس بکی ضرب ایدن کاظم بکدن بر لیرا انهرق شمس افندی به ویرلسنه

مرچانده اجرای تجارت ایدن کولسچی سرکرک اشیا سنی سرق ایدن وسابقه مکرره اسبابندن اولدینی اکلاشیان آکری برون اسماعیلک سکر آی حبسنه قیادقیق آدیه چیلرندن محمدی ضرب ایدن آدیه چی کیغورک ایله قفسار وآنوش قادیندن برلیرا آلتوب مضروب ویرلسنه

قومقوده قهوه جیلک ایدن حاجی واسیلیک جاملری قیریدی ثابت اولان ظلمیه سی تیورندن اون بش بشلک جزای تقدی آلمسنه وخسار بدلی اوله رق قرق غروشک دخی بالتحصیل مرقوم واسیه اعطاسنه

مانیفاطوره تجارندن ابرانوسیان افندینک مغازه -
سندن اچقه سرقت ایلدکری تحقق ایدن اوخالس
ایله آرتینک ایکشمر سنه مدتله حبسلرینه

مضارب ایلدکری ثابت اولان قایقچی عثمان ایله
سلیانک برر هفته حبسلرینه

سمیدجی طبلهکاری حسینی ضرب و جرح ایدن
صبرینک درت آی حبسنه واجرت جراحیه اولق
اوزره تقدیر ایدیلان تیوز غروشک بالتحصیل مرقوم
حسینه اعطاسنه

مرجانده کبابچاق ایدن عبداللهی ضرب ایلدیکی
ثابت اولان یراثوموسدن بر آلتون آلنهرق مضروب
ویرلسنه

قاسم پاشا ساکنلرندن اسعدک قهوه جی مصطفانک
اموال منقوله سنه ایراث خسار واهالی به قارشوتشهیر
سلاحه اجتسار ایلدیکی ثابت اولدیغندن ایراث خساره
جرائی سبب شدت عداولنهرق بر آی حبسنه و بدل
خسار اولان درت مجیدیه نک بالتحصیل مدعی
مرقومه اعطاسنه

بشکطاشده خلیل افندینک ساعتی سرقت ایدن
غلطه ده لاله لی چشمه ده ساکن بحور ولد نسیم ایله
سیمطوفک اوچر آی حبسلرینه و ختام مدتله درت
کفالتله ربطلرینه و مسروق ساعتک دخی صاحبیه رد
واعاده سنه

طوغانچیلرده ساکن کوستنجه لی عثمان ایله
سلامونک مضارب ایلدکری ثابت اولدیغندن اوزر
کون حبسلرینه

کتبه دن محمد کامل افندینک خانه سنه حق دخولی
اولدیغنی حالده کیرمش اولدیغنی اصولاً ثابت اولان پروکار
آپوستول ولد علیکسیدن اون بشکک جزای نقدی
اخذیله بش کون حبسنه

لاله لی جامع شریفی قارشوسنده قهوه جیلک ایدن
سعید اغایه اطاله لسان ایدن علی رضا بکدن یارم
آلتون جزای نقدی آلتسنه

چارشوی کبیره مستخدم سیویل پولیس چاوشی
حق افندی بی ضرب ایدن قومیسر شهاب الدین
افندینک اون کون حبسنه

ادرنه قپوسنده مقیم ترزی صوتیرینک وفاده
ساکن کورکچی تقری ضرب ایلدیکی اکلاشلدیغندن
بر آلتون آلنهرق مضروب ویرلسنه

آجی چشمه ده قره باش محله سنده ساکن محمد ایله
زوجه سی مقبوله خانمک مضارب ایلدکری اصولاً
ثابت اولدیغندن محمدک بر هفته حبسنه و مقبوله دن بر
آلتون آلنهرق مضروب محمد ویرلسنه

یکدیگر بی ضرب ایدن صماتیه ده ساکن سرکه جی
استاوری ایله مناو دیمترینک، و پولیس رضا افندی ایله
طلومبه جی احمدک بر هفته حبسلرینه درساعات ، بک

اوغلی واسکدار بدایت محاکمی جزا دائره لرینجه قرار
ویرلشدو .

مجازاتلار نیتباهیه

عادلجواز قضاسی بدایت محکمه سی اعضاسندن
مستطلقک وظیفه سنی ایفا ایدن فیضی و مدعی عمومی
معاونی وکیل پولیس قومیسری شکری افندیلرک
بر قتل ماده سندن دولای خلاف اصول وقانون
اولهرق توقیف قراری اعطا و اجرا ایلدکری وان
وبتلیس ولایتلری عدلیه مفتشکنجه اجرا قلنان
تحقیقاتی حاوی اوراق ماللرندن اکلاشیلهرق مومی
الیهمانک محاکمه آلتله آلتلرینه عدلیه نظارت جلیله سندن
مأذونیت اعطا اولوجهله وان ولایتی استیناف محکمه سی
مدعی عمومی لکنه تبلیغات مقتضیه ایفا قلنمشدر .

احکامات

درساعات استیناف مدعی عمر میلکندره :

بیک اوچوز اون سکر سنه سی تموزینک بشنجی
کونی قرتال قضاسنه تابع مالیه قریه سنده علی بکک
متصرف اولدیغنی دکانده بقاللق ایدن انسطاشک
کیفیت جرح و قتلدن دولای مظنون علیه اولوب
وقعه بی متعاقب فرار ایدن اورتیه بویلی براز شیشمانجه
وجودلی اورتیه آلن اوفق بورون واغزلی طوب
چکلی صاری صاچ وقاشلی ماوی کوزلی بیاض،
صاریجه بکزی عن اصل یانیه ولایتیه تابع ماط قضا
سنگ لیس قریه سی اهلایسندن یکرمی بش یاشنده
ارنبود ابراهیم بن یونسک اصول محاکمات جزائییه
قانوننک مواد مخصوصه سی احکامنه توفیقاً درساعات
جنایت محکمه سنده محاکمه سی اجرا قلنمق اوزره
قانون جزانک یوز یتش دردیجی ماده سنک فقره
اولاسی موجبجه جنایتله اتهامه قرار ویرلیکندن
متمم مرقومک هر زرده کوریلورسه طوتیلوب محکمه
مذکوره توقیفخانه سنه تسلیمی لازم کله جکی بالجله
ضابطه عدلیه مأمورلرینک معلومی اولق اوزره
اشبواخذ و گرفت مذکوره سی درساعات هیئت اتهامیه
سندن بالتظلم اعطا قلندی .

تجارت بحریه محکمه سنده :

درساعاتده مارپوشجیلرده ۸ نومرو لی مغازه ده مقیم
آلبر آساروسانو شرکتک ۳۰ ایلول سنه ۳۱۸
تاریخندن اعتباراً اعلان افلاسنه و مصالح افلاسیه نک
رؤیت وتسویه سی ضمننده اعضای محکمه دن عزتلو

مارقار افندینک ژوز قومیسر ودعوی وکیللرندن
نوری بکله موسیو براتیانک موقت سندیک تعینلرینه
ومغازه سیله اشیای زائده بیتیه لرینک تمهیرینه واوراق
ودفاترینک جلبنه وکفالت ارانه ایده مدکری تقدیرده
حبس وتوقیفلرینه و بوباده کی قرارک موقه اجراسنه
محکمه تجارت بحریه جه قرار ویرلش اولدیغندن
قانوننامه تجارتک ۱۷۰ نجی ماده سی موجبجه دائمی
سندیکلر انتخاب اولنق اوزره کانون نانینک طقوزنجی
نخشبه کونی ساعت یدی راده لرنده اصحاب مطلوبک
محکمه مذکوره نک افلاس او طه سنه کلری اعلان
اولنور .

بالقپانی خانی اتصالنده ۱۲۵ نومرو لی دکانده
مقیم باقر تجارندن یانی طاله یوسک ۲۶ کانون اول سنه
۳۱۸ تاریخندن اعتباراً اعلان افلاسنه و مصالح افلا
سیه نک رؤیت وتسویه سی ضمننده اعضا ملازملرندن
اسماعیل بکک ژوز قومیسر ودعوی وکیللرندن قدری
بک ایله کیغورق کورغیان افندینک موقت سندیک
تعینلرینه ومغازه سیله اشیای زائده بیتیه سنک تمهیرینه
واوراق ودفاترینک جلبنه وکفالت ارانه ایده مدیک
حاله حبس وتوقیفنه و بوباده کی قرارک موقه
اجراسنه محکمه تجارت بحریه جه قرار ویرلش
اولدیغندن قانوننامه تجارتک ۱۷۰ نجی ماده سی موجبجه
دائمی سندیکلر انتخاب اولنق اوزره اشبوکانون نانینک
طقوزنجی نخشبه کونی ساعت الی راده لرنده اصحاب
مطلوبک محکمه مذکوره نک افلاس او طه سنه کلری
اعلان اولنور .

بک اوغلی بدایت محکمه سی اجرا دائره سنده :

حاجی حق افندینک مصطفی صبری افندییه
محکوم به دینی اولان معلوم المقدار مبالغک تأمین
استیفاسی ضمننده داین مومی الیه عهده سنده وفاء
مفروغ وفروختی محکوم بولنان قاسم پاشاده سروری
محله سنده کرلیجه اولیاتر به سی چیقماز زقاغنده مکرر
۹ نومرو لی وقف بر باب کارگیر خانه لدی المزیاده
اون بشیک غروش آلتون آچیه بدل ایله طالبی
عهده سنده تقرر ایتش اولغله تاریخ اعلانندن اعتباراً
اوتوز بر کون ظرفنده یوزده بش ضمیمه طالب
اولانلرک بک اوغلی بدایت محکمه سی اجرا دائره سنه
مراجعت ایللری و اوتوز برنجی کونی دخی ساعت درت
راده لرنده قراردادده قطعیتی کشیده اولنق اوزره
مذکور خانه پیشکاهنده حاضر بولملری اعلان اولنور .